

Dana: 07. 07. 2024. godine
Broj: 34-07 /24

- JP "AUTOCESTE FBiH"
Sjedište u Mostaru, Adema Buća 20, Mostar 88000
- OPĆINA MAGLAJ
G-đa Jasmina Alić, koordinator iz Općine Maglaj
- „ČENGIZ INSAAT AS.“ Izvođač radova, baza u Galovcu
Gosp. Orhan Bati, direktor

Predmet: Urgencija za izgradnju lokalne ceste 35. (Čakrame-Lukići), dostavlja se

Poštovani,

Dana, 06. 06. 2024. godine na adresu JP „Autoceste FBiH“ (a na znanje Općini Maglaj) uputili smo pismo u cilju realizacije ranije donesenih zaključaka glede izgradnje lokalne ceste 35. u naseljenom mjestu Strupina (MZ „Radojčići“ Maglaj). U našem nedavnom pismu, na vrlo uljudan način, tražili smo realizaciju ranije datih obećanja od strane JP „Autoceste FBiH“ da će lokalnu cestu u Strupini br.35 (Lukići-Čakrame) izgraditi najkasnije do kraja srpnja/jula 2024.

Podsjećamo Vas da se radi o blokiranoj dionici asfaltnog puta koju su, uglavnom, sami mještani Lukića (zaseok Strupine) još prije desetak godina financirali sa enormno visokim priložima, a koja je već 10 mjeseci potpuno blokirana i mještani koriste zaobilazni (2 km duži) makadamski put. **Za isti ste dali obećanje da će biti završen do kraja srpnja 2024.**

Budući da radovi, na gore spomenutoj dionici, uopće nisu ni počeli i da nismo dobili nikakav odgovor na naše pismo od 06. 06. 2024. godine, što smatramo krajnje neprofesionalnim odnosom prema mještanima naše MZ „Radojčići“ Maglaj, a u cilju zaštite prava i interesa naših mještana, vrlo odlučni smo na poduzimanju i drugih, demokratski dozvoljenih, načina zaštite svojih prava.

Stoga, od JP „Autoceste FBiH“ zahtijevamo:

1. **Odgovor (u pisanoj formi) zašto još nisu počeli radovi na izgradnji lokalne ceste br. 35. za Lukiće, kada će isti početi, koliko vremena će trajati ti radovi i zašto nam niste odgovorili na naš upit od 06. 06. 2024.?**
2. **Naziv, adresu i kontakt osobe koje su trenutno zaduženi za nadzor građevinskih radova na izgradnji dionice Medakovo-Ozimica jer već duži period „Trasa“ d.o.o. Sarajevo ne vrši nadzor radova. Zbog toga i naši mještani nemaju mogućnost ulaganja prigovora/pritužbi jer po našim saznanjima nadzor na terenu i ne postoji zbog čega bi odmah trebalo prekinuti sve građevinske radove na izgradnji Koridora V-c na ovom području.**
3. **Tražimo održavanje redovitih, mjesečnih zajedničkih sastanaka sa investitorom (JP Autoceste FBiH) i izvođačem radova na koridoru V-c („Čengiz“) i predstavnika Općine Maglaj i MZ „Radojčići“ Maglaj.**

Rok za dostavljanje Vašeg odgovora na naše zahtjeve je 7 dana, od dana prijema ove urgencije putem e-maila, (tz. najkasnije do ponedjeljka, 15. 07. 2024. do 15:00 sati).

Imajući u vidu da ovo nije prvi slučaj obmane predstavnika MZ „Radojčići“ Maglaj od strane JP „Autoceste FBiH“, želimo Vas izvijestiti da je nezadovoljstvo kod naših mještana kulminiralo i vrlo ozbiljno razmišljamo i o novim prosvjedima/blokadama svih građevinskih radova na području naše MZ tj. općine Maglaj jer nas upravo Vi na to prisiljavate. Naravno, o ovakvom, nekorektnom odnosu prema našim mještanima svakako da ćemo upoznati i medije, druge razine vlasti ali i europske investicijske banke koje financiraju/kreditiraju izgradnju ovog Koridora V-c u BiH.

S poštovanjem,

Predsjednik Vijeća MZ: Marinko Kelavić, prof.

Na znanje:

1. Vlada ZDK
2. Predsjedništvo FBiH
3. Europske investicijske banke
4. Mediji

U prilogu: pismo od 06. 06. 2024 i fotografije blokade puta za Lukiće

